

(৩৯) স্ক্র্যাপ ভেসেল—স্ক্র্যাপ ভেসেল (এইচ এস হেডিং নম্বর ৮৯.০৮) আমদানির ক্ষেত্রে, ডকুমেন্টের সহিত, “জাহাজে ইনবিল্ট দ্রব্যাদি ব্যতীত অন্য কোন বিষাক্ত বা বিপজ্জনক বর্জ্য বহন করা হইতেছে না” মর্মে সর্বশেষ রপ্তানিকারক প্রতিষ্ঠান বা মালিকের প্রত্যয়নপত্র এবং রপ্তানিকারকের ঘোষণাপত্র দাখিল করিতে হইবে:

তবে শর্ত থাকে যে, জাহাজ ভাঙ্গার ক্ষেত্রে বাংলাদেশ পরিবেশ সংরক্ষণ আইন, ১৯৯৫ (১৯৯৫ সনং আইন) এবং এতদসংশ্লিষ্ট অন্যান্য আইন ও বিধি-বিধান অনুসরণ করিতে হইবে।

(৪০) তরবারী ও বেয়োনেটসহ সকল পণ্য—তরবারী ও বেয়োনেটসহ সকল পণ্য (এইচ এস নম্বর ৯৩.০৭ এবং উহার বিপরীতে শ্রেণীবিন্যাসযোগ্য সকল এইচ এস কোড নম্বর) কেবল বহনকারী সংস্থাসমূহ কর্তৃক পোষক বা প্রশাসনিক মন্ত্রণালয়ের ছাড়পত্রের ভিত্তিতে আমদানিযোগ্য।

(৪১) প্রাণী, উদ্ভিদ ও উদ্ভিজ পণ্য—প্রাণী, উদ্ভিদ ও উদ্ভিজ পণ্য আমদানির ক্ষেত্রে স্যান্টাইন শর্তাবলী প্রযোজ্য হইবে।

(৪২) টায়ার কর্ড ফেব্রিক্স—টায়ার কর্ড ফেব্রিক্স (সেকেভারী কোয়ালিটি) মাছ ধরার জাল উপযোগী সেকেভারী কোয়ালিটির টায়ার কর্ড ফেব্রিক্স বাণিজ্যিক ভিত্তিতে অবাধে আমদানিযোগ্য হইবে।

(৪৩) পরিশোধিত এডিবল অয়েল—পরিশোধিত এডিবল অয়েল নিম্নবর্ণিত শর্ত পূরণ সাপেক্ষে আমদানি করা যাইবে, যথা:—

- (ক) পরিশোধিত এডিবল অয়েল বান্ধ আকারে পরিশোধিত এডিবল অয়েল বহনকারী ট্যাংকারে আমদানি করিতে হইবে;
- (খ) উক্ত পণ্য খালাসের পর পরিশোধিত এডিবল অয়েল সংরক্ষণ উপযোগী ট্যাংক টারমিনালে সংরক্ষণ করিতে হইবে এবং সংশ্লিষ্ট আমদানিকারককে উক্ত পণ্য দেশের অভ্যন্তরে পরিবহন বা সরবরাহ করার সময় উহা অবশ্যই পরিশোধিত এডিবল অয়েল বহনকারী ট্যাংকারে বা নূতন কনটেইনারে পরিবহন বা সরবরাহ করিতে হইবে;
- (গ) আমদানিতব্য পরিশোধিত এডিবল অয়েল রপ্তানিকারক দেশের স্ট্যান্ডার্ড মান সম্পন্ন এবং বাংলাদেশের বিএসটিআই মান সম্পন্ন হইতে হইবে এবং এতদসংক্রান্ত বিষয়ে উভয় দেশের কর্তৃপক্ষের বৈধ সনদপত্র পণ্য খালাসের সময় শুদ্ধ কর্তৃপক্ষের নিকট দাখিল করিতে হইবে;
- (ঘ) ড্রাম বা বোতল বা কনটেইনারে আমদানির ক্ষেত্রে উহাদের গায়ে পণ্য উৎপাদনের ও মেয়াদ উত্তীর্ণের তারিখ উল্লেখ থাকিতে হইবে; এবং
- (ঙ) অনচ্ছেদ ১৬ এর বিধানাবলী যথাযথভাবে অনুসরণ করিতে হইবে।